

Minister di Husticia a tuma decision tras di lomba

Eric Zaandam a califica actitud di Gobierno di "Baho y Vil"


ORANJESTAD (AAN) —

Si despues di lesa e articulo aki pueblo ta puntra su mes: - asina individual ministernan di MEP ta traha, cu tin decisionnan cu un minister ta tuma sin bisa Prome Minister, corda resto di Consejo di ministranan? - wel, esaki ta e indicacion cu tin si ta berdad anto, cu señor Nelson Oduber no tabata na haltura cu mientras e hunto cu e titular di Finanzas e tabata dialoga na mesa cu bloke sindical, nan colega di Husticia tabata bezig entamando un caso den Corte, contra e sindicatonan cu ta cay bao di su Ministerio, esta: SPA, SINBA, SCCA, etc.

Señor Eric Zaandam, presidente di SPA, a splica na medionan di prensa y na tur manifestante, cu e caso den Corte a sorprende Prome Minister pasobra e no ta pa tur sindicato presente, pero unicamente pa esnan cu ta representa Husticia.

Zaandam a splica e mandatarionan cu e sindicatonan concerni tambe ta forma parti di e Bloke Sindical y si nan bay Corte tur ta bay corte! Esaki a carga aprobacion di tur manifestante.

Eric Zaandam, na momento cu a hiba palabra ainda e tabata muestra positivo cu negociacion lo por a sigui despues di e caso den Corte. Na prome instancia, el a bisa cu e sindicatonan ta exige pa gobierno cancela e Caso den



Corte pa sigui negocia (locual evidentemente no a sosode).

Presidente di SPA a comenta cu tanto Prome Minister como Minister di Finanzas a laga sa cu pa nan tabata un sorpresa cu Minister di Husticia a entama un caso contra e sindicatonan cu ta representa su empleadonan,

y cu nan ta bay wak con pa cancela e caso den Corte.

Por a scucha diferente hende hari bay goal, pasobra nan no por kere cu un medida di tal magnitud por a worde tuma

pa un minister anto resto di Consejo di ministranan djis no sa!

El a splica cu mientras e

lidernan sindical tabata na mesa cu Prome Minister y su colega di Finanzas, Minister di Husticia a yama un reunion apart hunto cu e Hefe di Cuerpo di Polis Special, Halto Comisario y Director di Departamento Huridico, kendenan tabata evaluando e proceso pa bay Corte.

No obstante Zaandam a lamenta cu e negociacion a yega faltando un tiki pa logra e meta, segun el a bisa. El a sigui carga speranza cu sano huicio prevalece y cu e lidernan sindical lo por a bay sinta na mesa cu e dos mandatarionan concerni pa sigui cu e negociacion.

E declaracion di Eric Zaandam a crea un tiki confusion despues di a scucha señora Brito di SEPPA, kende a bisa cu Gobierno lo hiba Bloke Sindical den Corte y cu gobierno no a duna ni un paso atras, pero mas bien a reduci su proposicion na 1%.

Zaandam di su parti a bisa cu

e diferencia entre gobierno y e sindicatonan tabata tiki pa yega na un solucion; na momento cu e negociacion a worde blokia pa hiba e sindicatonan di departamentonan di Husticia den Corte, actitud cu e lider sindical a califica di baho y vil.

Apesar di esaki e lider sindical di SPA a bisa cu nan ta bay para firme pa yega na un solucion, cu speranza anto cu gobierno manda yama e lidernan sindical pa sigui negocia na mesa y caba cu e diferencianan.


Despues el a haci un yamada na tur su miembronan y e bloke sindical pa keda para firme te ora logra e meta. Tambe el a pidi e polisnan pa bay traha y keda pendiente di decision di Huez, y dependiendo di esaki y di e actitud di gobierno nan lo worde avisa ki pasonan lo sigui.

Ta bon pa agrega aki cu segun calculo di Comisario Krosendijk, asina el a contesta mainta, un pregunta di DIARIO, 50 porciento (200 polis) a manifesta ayera. E resto y tur halto funcionario tabata na pia di trabao, como un cuerpo responsable cu na prome lugar tin interes di pueblo y su seguridad.

SOLLICITATIE BRIEF!!

DANNY OVER MY DEAD BODY!

NEL, HI CURICULUM DI FIRMA ACUMULA PARIBA DI BRUG TA DAPIA PA SU MES!! DONEMI RIBA E LISTA DI MEP!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



**Foot
Massage
Afl. 55,=**

Mayan
afia ma
RIA
felicita
Irma su
sweet l
Tambe
cas" y:
omona
prima-
famia.
crew: S
Saida,
Andre
but nex
Joally,
su yu
Raheen
tambe t
secret a
kusjes
hende
diasabr
bay beb
we hope
& a lo
birthday
(via Int

PABIE
For di
un pabi
primoy
(Richie
cumpli
un calu
nan Lis
y su or
ruman
demas
masha
tan spe
(via Int

CA
h
n